



RQF LEVEL 4

TRADE: all

MODULE CODE: AGRVG302

TEACHER'S GUIDE

Module name: IKINYARWANDA



MODULE NAME : CCMKN401 IKINYARWANDA

Imbonerahamwe y'ibygwa

Imbonerahamwe y'ibygwa	2
IMPINE N'IBIMENYETSO BYAKORESHEJWE	4
Intangiriro	5
Imbumbe	1
Imbumbe 1: Gukoresha ubuvanganzo gakondo bufatiye ku mwuga ashyikirana n'abandi	2
ISHUSHO Y'IMBUMBE.....	2
.....	3
Imbumbe ya 1. Gukoresha ubuvanganzo gakondo bufatiye ku mwuga ashyikirana n'abandi.	3
Umusaruro w'inyigisho 1.1. Gusesengura ubuvanganzo gakondo bufatiye ku mwuga.	3
2. Ingeri z'ubuvanganzo bwo muri rubanda	4
c) Imvano y'umugani mugufi.....	6
d) Umugenuzi w'umugani.....	6
4. Ingero z'imigani migufi isobanuye	9
Umusaruro w'inyigisho 1.2: Gukoresha neza ikomorazina n'ikomoranshinga mu kunguka amagambo mashya.....	11
Inshoza y'ikomorazina mvazina.....	11
a) Isubiramo ry'igicumbi k'izina.....	12
IKOMORAZINA MVANSHINGA.....	14
1. Inshoza y'ikomorazina mvanshinga.....	14
2. Inzira z'ikomorazina mvanshinga.....	14
Umusaruro w'inyigisho 1.3: Gutarama Kinyarwanda akoresheje ubuvanganzo gakondo bufatiye ku mwuga	17
Imbumbe 2: Gukoresha Ikinyarwanda cy'umunyamwuga agaragaza ibyiza by'ikoranabuhanga mu iterambere ry'umwuga no gutandukanya ubwoko bw'inshinga ..	19
Umusaruro w'inyigisho 2.1: Gusoma no gusesengura neza umwandiko ku nsanganyamatsiko y'ikoranabuhanga n'iterambere ry'umwuga.	20
Umusaruro w'inyigisho 2.2: Gutandukanya neza inshinga mburabuzi, inshinga iri mu mbundo n'inshinga itondaguye	26
Inshoza y'inshinga	26
2) Amoko y'inshinga	26
Umusaruro w'inyigisho 2.3 : Gukoresha neza inshinga mburabuzi munteruro..	29

<i>Imbumbe ya 3: Gukoresha Ikinyarwanda cy’umunyamwuga uwiga agaragaza ububi bw’ibiyobyabwenge mu rubyiruko no kugaragaza mu izina mbonera amategeko y’igenamajwi agendanye n’ingombajwi ziburizwamo n’izihinduka izindi.....</i>	<i>32</i>
Umusaruro w’inyigisho 3.1. Gusoma no gusesengura neza umwandiko ku nsanganyamatsiko y’ububi bw’ibiyobyabwenge mu rubyiruko.....	33
.....	33
Umusaruro w’inyigisho 3.3: Kugaragaza mu izina mbonera amategeko y’igenamajwi agendanye n’ingombajwi zihinduka izindi.	35
.....	35
1. Intego y’izina mbonera gakondo.....	37
.....	40
<i>Imbumbe 4: Gukoresha Ikinyarwanda cy’umunyamwuga uwiga agaragaza uburyo bunyuranye bwo gufata neza ibidukikije, gukoresha indangahantu n’icyungo</i>	<i>40</i>
Umusaruro w’inyigisho 4.1. Gusoma no gusesengura neza umwandiko ku nsanganyamatsiko yo gufata neza ibidukikije.....	41
Umusaruro w’inyigisho 4.2: Kugaragaza neza indangahantu mu nteruro zitandukanye.	43
Umusaruro w’inyigisho 4.3: Gukoresha neza icyungo “na” mu nteruro ziboneye uwiga yihimbiye yihimbiye.	45
Iby’ingenzi byo kwibuka	45
<i>Imbumbe 5. Gukoresha Ikinyarwanda cy’umunyamwuga uwiga agaragaza akamaro k’ubutabazi bw’ibanze no gukoresha impakanyu n’indango z’inshinga</i>	<i>46</i>
Umusaruro w’inyigisho 5.1. Gusoma no gusesengura neza umwandiko ku nsanganyama-tsiko uwiga agaragaza akamaro k’ubutabazi bw’ibanze	47
Ikinamico ku nsanganyamatsiko yerekeye k’ubutabazi bw’ibanze.....	48
Umusaruro w’inyigisho 5.2: Kugaragaza neza impakanyu mu nteruro zitandukanye.....	49
Umusaruro w’inyigisho 5.3: Gukoresha neza indango z’inshinga mu nteruro.	51
<i>Ibitabo n’inyandiko byifashishijwe:.....</i>	<i>52</i>
<i>References.....</i>	<i>52</i>

IMPINE N'IBIMENYETSO BYAKORESHEJWE

NCDC: National Curriculum Development Center

REB: Rwanda Education Board

KHI: Kigali Health Institution

Nt: Inteko

D: Indomo

RT: Indanganteko

C: Igicumbi

→: Ihinduka, bibyara

Φ: Iburizwamo/izimira ry'ijwi; ibura ry'akaremajambo gateganyijwe muri uwo mwanya

Intangiriro

Iyi mbumbanyigisho irasobanura ubumenyi n'ubushobozi bukenewe kugira ngo uwiga ashobore gukoresha Ikinyarwanda cy'umwuga mu kumva, kuvuga, gusoma no kwandika, mu bikorwa bijyanye n'umwuga we; gukoresha ubuvanganzo gakondo mu gushyikirana n'abandi abagezaho ibitekerezo bye kandi agaragaza uko yakira ibyabo; kugaragaza imyumvire n'imyifatire ikwiye agenda avoma mu myandiko n'ikinamico binyuranye; gutandukanya ingeri zinyuranye z'ubuvanganzo nyarwanda; guhanga no kumurika mu rurimi rw'Ikinyarwanda afatiye ku ngeri zinyuranye z'imyandiko; gusobanura intego n' amategako y'igenamajwi by'izina mbonera; gukoresha neza indangahantu no Kwandika yubahiriza ifatana n'itandukana ry'amagambo.

CCMKN 401. IKINYARWANDA CY'UMUNYAMWUGA

Imbumbwe

1. Gukoresha ubuvanganzo gakondo bufatiye ku mwuga ashyikirana n'abandi no gukoresha ikomorazina n'ikomoranshinga
2. Gukoresha Ikinyarwanda cy'umunyamwuga agaragza ibyiza by'ikoranabuhanga mu iterambere ry'umwuga no gutandukanyaubwoko bw'inshinga
3. Ikinyarwanda cy'umunyamwuga uwiga agaragaza ububi bw'ibiyobyabwenge mu rubyiruko no kugaragaza mu izina mbonera amategeko y'igenamajwi agendanye n'ingombajwi ziburizwamo n'izihinduka izindi
4. Gukoresha ikinyarwanda cy'umunyamwuga uwiga agaragaza uburyo bunyuranye bwo gufata neza ibidukikije, gukoresha indangahantu n'icyungo
5. Gukoresha Ikinyarwanda cy'umunyamwuga uwiga agaragaza akamaro k'ubutabazi bw'ibanze no gukoresha impakanyu n'indango z'inshinga



Imbumbe 1: Gukoresha ubuvanganzo gakondo bufatiye ku mwuga ashyikirana n'abandi



ISHUSHO Y'IMBUMBE

Imisaruro y'inyigisho:

- 1.1. Gusesengura ubuvanganzo gakondo bufatiye ku mwuga.
- 1.2. Gukoresha neza ikomorazina n'ikomoranshinga mu kunguka amagambo mashya.
- 1.3. Gutarama Kinyarwanda akoresheje ubuvanganzo gakondo bufatiye ku mwuga.



Imbumbwe ya 1. Gukoresha ubuvanganzo gakondo bufatiye ku mwuga ashyikirana n'abandi.

Umusaruro w'inyigisho 1.1. Gusesengura ubuvanganzo gakondo bufatiye ku mwuga.



Igihe: amasaha 1



Intego z'umugaruro w'inyigisho 1.1:

Ku musozo w'uyu musaruro nyigisho abanyeshuri baraba bashobora ku:

1. Gusobanukirwa ubuvanganzo gakondo icyo ari cyo
2. Kugaragaza ingeri zinyuranye z'ubuvanganzo gakondo
3. Gukoresha neza ingeri z'ubuvanganzo gakondo bwizwe



Aho byavanywe

Ibitabo byifashishijwe	Ibyifashishwa biramba	Ibyifashishwa by'igihe gito
Ibitabo bikubiyemo imyandiko Ibitabo by'ikibonezamvugo Amabwiriza ya Minisitiri N0 001/2014 yo ku wa 08/10/2014 agenga imyandikire y'ikinyarwanda nk'uko yasohotse mu Igazeti ya Leta N0 41 bis yo ku wa 13/10/2014.	- Ikibaho - insakazamajwi - SEDE (CD) - Disiketi - Murandasi - Ibikoresho by'ikoranabuhanga	- Ingwa - Marikeri - Ikaramu - SEDE (CD)

--	--	--



1. Inshoza y’ubuvanganzo bwo muri rubanda

Ubuvinganzo bwo muri rubanda ni ibihangano byahimbwe n’abantu ba kera, bakaba barahimbaga batandika, bakabifata mu mutwe. Ibyo bahimbaga babishyikirizaga ab’igihe cyabo bikabizihira mu bitaramo, bakagenda babiraga abo basize, bityobityo bakagenda babiherekeranya mu mvugo. Ubu buvinganzo bwo muri rubanda bukubiyemo ibintu byinshi byari byarasakaye muri rubanda. Nta muntu bwitirirwaga ko yabuhimbye.

2. Ingeri z’ubuvanganzo bwo muri rubanda

Muri ubu buvinganzo hakubiyemo ingeri nyinshi, muri zo twavugaga imigani miremire, ibitekerezo byo muri rubanda, imigani migufi(imigenurano), insigamigani, inanga zo muri rubanda, uturingushyo tw’abasizi, ibisingizo by’inyamaswa, ubuvanganzo bujyanye n’imyuga n’imihango, ubuvanganzo bw’urwenya bwo muri rubanda n’ubuvanganzo bw’abana. icyakora hari ibyo Abanyarwanda benshi bari bahuriyeho kandi n’ubu bigifite agaciro.

g) Ibisingizo by’inyamaswa

Byitwa ibisingizo ariko uko bivugitse ntibiba bishimagiza byanze bikunze iyo nyamaswa. Hari ibivuga inzoka, impyisi (Bihehe), akenshi bikaba ari bigufi. Aha umuntu yashyiramo n’indirimbo baririmbira inka.

h) Ubuvanganzo bujyanye n'imyuga n'imihango

Mu mirimo Abanyarwanda bo hambere bakoraga cyangwa ibirori n'imihango bateguraga, bahaga uruhare rukomeye ubuvanganzo.

Aborozi bafite ingeri y'ubuvanganzo ijyana n'uwo murimo: hari ibihamagaro ari byo bivuga udusingizo duhamagara inka igiye gukamwa cyangwa kumurikwa; hari n'indirimbo z'inka zigizwe n'amahamba, amabanga (amahindura), indama, imyama (imyoma)n'ibyisigo.

Abahinzi bagira ubuvanganzo bwo kwitonga (kwidoga, kwisiga no kuvuga isuka). Abavumvu bagira amavumvu ni ukuvuga amagambo babwira inzuki, bazihamagara, bazisingiza...

Abahigi na bo bahimbaga amahigi (abayahimbaga bitwaga abasirizi) y'abanyagishanga, abanyamuheto n'abongora, akagira kandi amoko menshi: imiyango, amarekezi, amagoyi n'ibindi.

Mu mihango y'ubukwe na ho habagamo kandi n'ubu haracyabamo imisango ari byo bivuga amagambo avugwa mu bukwe akavugwa n'abakwe bakuru. Muri iki gihe abatanga amagambo (abasangizajambo) na bo usanga bagira uruhare mu kunoza amagambo. Mu mihango kandi habamo n'ibihozo biba ahanini bigenewe abagore n'abana. Ibihozo by'abakobwa bikunda kuvugwa mu muhuro.

Mu mihango n'ibirori ntitwakwibagirwa imbyino n'indirimbo akenshi zikunda guherekezwa n'ingoma. Muri izo mbyino zo muri rubanda dusangamo ikinimba, imparamba, ibyishongoro, imishayayo, izicyura intore, imbyino z'imandwa (umuhara), iz'ubukwe n'izindi.

INSIGAMIGANI

1. Inshoza y'insigamigani

Insigamigani ni ingeri y'ubuvanganzo bwo muri rubanda zikubiyemo ibitekerezo bifatiye ku muntu wakoze ikintu iki n'iki cyangwa se ikintu cyabaye mu gihe runaka bigahinduka iciro ry'umugani n'ubu ugikoreshwa. Ishobora kuba kandi iyo mvugo ubwayo cyangwa icyo yakomotseho.

Hari insigamigani ziteye nk'imigenurano hakaba n'iziteye nk'inshoberamahanga cyangwa inshoberane. Iziteye nk'imigenurano kimwe n'iziteye nk'inshoberane zitwa insigamigani kubera ko aho zakomotse haba hazwi. Umuntu amagambo y'insigamigani yakomotseho na we yitwa insigamigani cyangwa imvano y'umugani. Naho inkuru zisobanura amavu n'amavuko y'insigamigani zitwa ibirari by'insigamigani, ni ukuvuga ibisobanuro birambuye by'izo nsigamigani.

2. Uturango tw'insigamigani

Insigamigani itangira bavuga inkomoko y'uwo mugani, ikavuga ibyabayeho ku bantu bazwi kandi mu gihe kizwi. Insigamigani ivuga igitekerezo gifatika ku kintu cyakozwe cyangwa cyavuzwe n'umuntu bigahinduka iciro ry'umugani. Insigamigani kandi isozwa basobanura uwo mugani. Insigamigani zirimo ingeri ebyiri: insigamigani nyirizina n'insigamigani nyitiriro.

a) Insigamigani nyiri izina

Insigamigani nyiri izina ni iz'abantu bazwi neza amavu n'amajyo ku buryo abantu bemeye kwigana imigirire yabo mu mvugo ya buri gihe; bigahinduka inyigisho y'ihame.

b) Insigamigani nyitiriro

Insigamigani nyitiriro ni ibindi rubanda baba baragenuriyeho bakabigira iciro ry'imigani ariko atari byo byabivuze cyangwa se byabikoze. Aha dusangamo nk'inyamaswa, inyoni...

Ingero: Impyisi iti: "Kuvuga ni ugutaruka."

Inyombya iti: "Mbateye akari aha."

Mu nsigamigani nyirizina habamo imvano y'umugani mugufi n'umugenuzi wawo.

c) Imvano y'umugani mugufi

Imvano y'umugani mugufi ni umuntu uba yaravuze ijamba cyangwa yarakoze igikorwa kikamwitirirwa kigasigara cyarahindutse umugani. Akenshi muri uwo mugani haba hanagaragaramo izina ry'uwo muntu.

Ingero

Yarezwe bajeyi
Yariye karungu
Yagiye kwangara
yigize syori...

d) Umugenuzi w'umugani

Umugenuzi w'umugani ni umuntu uba waravuze amagambo agahinduka umugani n'ubu ugikorehwa.

Ingero:

Muhangu ati: "Kami ka muntu ni umutima we."
Rugaju ati: "Nguye mu matsa."

IMIGANI MIGUFI CYANGWA IMIGENURANO

Itegereze izi mvugo zitsindagiye mu mwandiko ukurikira hanyuma utahure inshoza yazo, imiterere yazo, ukore ubushakashatsi ku nkomo za bene izi mvugo, unerekane isomo



Uwitonze akama ishashi

Karabo ni umukobwa wo mu muryango wa Karera, yatsinze ikiciro rusange cy'amashuri yisumbuye bamwohereza kwiga mu mug. Mbega ibyishimo yagize wee! Dore ko bwari n'ubwa mbere agiye gukandagiyo! Yumvaga azahungukira byinshi kuko ngo: **"Akanyoni katagurutse katamenya iyo bweze."** Buri buke ngo umunsi wo gutangira ugere rero, Karabo yataramanye n'ababyeyi be bamuha impano ari yo yari yuzuyemo impanuro azakurikiza. Mwana wange **umwambari w'umwana agenda nka se** kandi ngo: **"Inyana ni iya mweru."** Ugiye kudukagararira, ubukesha twagutoje ntuzabutaire. Uzige utsinde maze use natwe ndetse udusumbye.

Ndabizi babyeyi ko ntatira inzira yanyu indinde iba kabiri: **"ndinda dawo na ndinda mwana wange"**. Iyange rero, sinzayitera umugongo. Yego mwana wacu, ku ishuri rero uzakahurira n'ingeri nyinshi ukomeze inzira nziza kuko **ingendo y'undi iravuna** kandi ngo: **"Umugezi w'isuri urisiba."** Ntuzishinge bamwe baca mu nzira mbi ugasanga icyabajyanye batagicyuye. Ntuzacike intege kuko imbuto y'umugisha yera ku giti cy'umuruho.

Karabo yabasezeranyije ko atazatira icyo gihango. Ageze ku ishuri ahura n'ibigeragezo byinshi ariko arabitsinda yiga neza dore ko yari afite ubushake. Yakoranye umwete akurikiza inama yahawe arangiza ari uwa mbere mu ishuri akomeza na kaminuza. Koko ngo: **"Imbyeyi isuzumirwa ku cyansi"**, ubu Karabo ari mu bashimirwa umusaruro mwiza batanga mu mirimo ashinzwe mu Gihugu.

1. Inshoza y'umugani mugufi (Umugenurano)

Imigani migufi ni imvugo ziba zarahimbiwe kwigisha cyangwa gutanga impanuro ku bantu. Umugani mugufi ni umwanzuro w'amarenga y'intekerezo ukoreshwa nk'inshamake y'umugani muremure maze uwubwiwe akawumva mu mvugo ishushanya kandi igenura, ari na yo mpamvu imigani migufi banayita imigani y'imigenurano.

Iyo urebye mu migani iri mu Kinyarwanda cyangwa mu zindi ndimi, usanga nta nsanganyamatsiko itaravugwaho. Ni na yo mpamvu buri gihe mu biganirwa bya buri muni abantu bakunda kwitabaza imigenurano bagira bati : «Hari umugani uvuga ngo..., Umunyarwanda yagize ati..., baravuga ngo..."



Iyo migenurano rero ishobora kuvuga ku mico n’imyifatire, ku burere, ku mibanire y’abantu, ku karengane, ku butabera, ku mahoro, ku bwitange, ku kuri, ku kwihangana n’ibindi. Ushatse gutanga inyigisho cyangwa impanuro mu magambo make abinyuza mu mugenurano.

2. Imiterere y’imigani migufi

Umugani migufi wumvikana ku buryo bubiri ari na ho hakuwe imvugo ko ugenura. Uburyo bwa mbere ni **uburyo bwa kamere yawo**. Iyo umuntu awuciye, uwumvise awumva mu mvugo iboneye, mbese itamugora kuyumva.

Urugero: “Umugezi w’isuri urisiba”. Wumvise uyu mugani ko iyo umugezi usakuma ibintu byinshi: ibiti, ibyatsi, ibitaka...ugera aho biwufunga ugasibama, wumva ko ari byo kandi byumvikana. Uburyo bwa kabiri ni **uburyo bw’amarenga**. Uciriwe uwo mugani cyangwa undi wese uwumvise agomba gutekereza, agashishoza akumva neza icyo bamubwirira muri uwo mugani. Mbese ibyo uwo mugani umushushanyiriza, umubwira mu marenga. Akumva ko agereranywa n’uwo mugezi, ko imico mibi yakora yibwira ko akorera abandi bigera aho akaba ari we bigiraho ingaruka.

Imigani migufi rero ni ubuvanganzo bwigisha, bukosora kandi bukanenga imigirire idahwitse.

3. Inkomoko y’imigani migufi

Imigani y’imigenurano igira inkomoko zitandukanye. Hari ikomoka ku migani miremire hakaba n’ikomoka ku mateka; cyokora hari n’imigani ikomoka ku bantu batazwi.

a) Imigenurano ikomoka ku mateka

Imigenurano ikomoka ku mateka ni yo yitwa «insigamigani»

Urugero

Nzashira i Ngurugunzu nkiri Ngagi.

Ngurugunzu ni umusozi wo mu Kingogo, hafi ya Kibirira, Gatumba na Muhororo. Umugabo witwaga Ngagi wavuze ayo magambo ni ho yari atuye. Ngagi yari yararanzwe no kuba inyangamugayo cyane. Ntawigeze amwumvaho ijamba ribi na rimwe. Igihe kimwe umuntu ashaka kumucumuza maze amushinga umuhunda w’icumu ku kirenge nkana kugira ngo avuge nabi maze ubunyangamugayo bwe bute isaro. Ngagi arashinyiriza aramubwira ati: “Shingura nzashira i Ngurugunzu nkiri Ngagi.” Gushira i Ngurugunzu ni ugupfa, kuko upfuye ntiyongera kugaruka aho yari atuye. Nk’aho yakavuze ngo: “Nzatsimbarara ku butungane bwange noye kubuvirira kugeza mfuye”.

b) Imigenurano ikomoka ku migani miremire

Iba ikomoka ku bintu by'amayobera, ibitangaza n'amakabyankuru.

Urugero

Ubugiraneza bw'inkware bwayigonze ijosi

Igihe kimwe umusozi warahiye, inkware yari kuri uwo musozi irigurukira ngo ihunge umuriro. Inzoka irayihamagara iti: "Nyabuneka Nkware ntunsige muri aka kaga reba ukuntu nange wangurukana." Inkware iremera iyizingira ku ijosi irayihungisha. Bigeze ku wundi musozi inkware isaba inzoka kuja hasi ngo yigendere inzoka iti: "Sinkurekura nakugeze ku ngusho!" Inzoka iniga inkware irayica izize ubugiraneza bwayo. Aho ni ho hakomotse uwo mugani w'umugenurano. Birumvikana ko wakomotse ku nkuru itarabayeho kandi irimo amakabyankuru; ari na yo mugani muremure.

4. Ingero z'imigani migufi isobanuye

Uwitonze akama ishashi: ushoboye kwihangana agategereza agera ku kiza yashakaga.

Akanyoni katagurutse ntikamenya iyo bweze: utahagurutse ngo arebe icyo ahandi bamurusha, ntamenya aho umukiro uherereye. Uwo mugani bawuca igihe wababariye iwanyu, watirimukira ahandi ukahakirira, nibwo bavuga bati: "Akanyoni katagurutse ntikamenya iyo bweze".

Umwambari w'umwana agenda nka se: abato bakunda kwigana abakuru, iyo rero bafite imico myiza ni yo bigana na bo ikabaranga.

Inyana ni iya mweru: imico myiza cyangwa mibi bayikomora (bayica) ku babyeyi.

Ingendo y'undi iravuna: kwigana imico y'undi si byiza kuko ishobora kugushyira mu bibi cyangwa ibyago.

Imbutu y'umugisha yera ku giti cy'umuruho: ni ngombwa kwemera kuvunika ukihanganira ingorane uhura na zo kugira ngo ugere ku cyo ugamije.

Gushaka ni ugushobora: iyo ufite ubushake icyo wifuza ukigeraho.

Imbyeyi isuzumirwa ku cyansi: inka isuzumwa n'umukamo. Iyo yatubije amata cyangwa ikayabura nibwo bamenya ko irwaye. N'umuntu asuzumirwa ku murimo. Iyo yananiwe nibwo bamenya ko nta cyo ashoboye.

Umugezi w'isuri urisiba: iyo ugenda ukomeza kongera imico mibi amaherezo ni wowe bigiraho ingaruka.



Ibintu by'ingenzi byo kwibuka

1. Ubuvanganzo gakondo bufatiye ku mwuga
2. Ingeri zigize ubuvanganzo gakondo bufatiye ku mwuga



Ibikorwa

Abanyeshuri baraganira mu matsinda k'ubuvanganzo gakondo bufatiye ku mwuga



Isuzuma mbonezanyigisho

1. Ubuvanganzo gakondo bufatiye ku mwuga ni iki?
2. Vuga ingeri eshatu zigize ubuvanganzo gakondo bufatiye ku mwuga.



Umusaruro w'inyigisho 1.2: Gukoresha neza ikomorazina n'ikomoranshinga mu kunguka amagambo mashya.



Igihe: amasaha 1



Intego z'umusaruro w'inyigisho 1.2:

Ku musozo w'uyu musaruro nyigisho abanyeshuri baraba bashobora ku:

. Gukoresha neza ikomorazina n'ikomoranshinga mu kunguka amagambo mashya

Inshoza y'ikomorazina mvazina

Ikomorazina mvazina ni uburyo (igikorwa) bwo kurema amazina mashya uhereye ku yandi mazina

Ingero

Izina	Izina rishya
U Rwanda	Abanyarwanda
Amaguru	Abanyamaguru
Intobo	Umutobotobo
Umwami	Umwamikazi
Ipikipiki	Amapikipiki

2. Inzira z'ikomorazina mvazina

Kora ubushakashatsi ku nteruro zikurikira utahuremo amazina akomoka ku ikomorazina maze ugaragaze inzira z'ikomorazina mvazina zifashishijwe kugira ngo haboneke ayo mazina.

Imitobotobo yo ikunda kuba ku mirombero y'inzira.

Umuforomo n'umuforomokazi bafasha muganga mu kazi ke.

Ahantu h'itaka riseseka bahita **igitakazi**.

Nyiramana ni **umunyamakuru**.

Amahenehene agira intungamubiri nyinshi.

Umunyeshuri mwiza arangwa n'isuku n'ikinyabupfura.

Habaho **inzira** zitandukanye zo **gukomora** amazina ku yandi. Iyo izina ryakomotse ku rindi hakoreshejwe bumwe muri buriya buryo bwavuzwe bigira icyo bihindura ku nyito yaryo ugereranyije n'iyizina ryaribyaye. Cyokora izo nyito zombi zikomeza kugirana isano.

Zimwe mu nzira z'ikomorazina mvazina ni izi zikurikira.

a) Isubiramo ry'igicumbi k'izina

Izina	Izina rishya
Intama (tama)	Amatamatama
Umuhoko (hoko)	Umuhokohoko

b) Ihindura ry'inteko y'ijambo

Izina	Izina rishya
Imodoka	Amamodoka
Igare	Amagare
Ipikipiki	Amapikipiki
Ururimi	Uburimi
Umukire	Ubukire

c) Iyongera ry'akabimbura mu izina ryari risanzwe

Ingero

Amakuru	Abanyamakuru
Ishuri	Abanyeshuri
Ubukwe	Sebukwe/nyirabukwe

d) Ihindura ry'izina rusange mo izina bwite

Ingero

Umugabo	Mugabo
Amafaranga	Gafaranga
Urumiya	Rumiya

e) Ikoreshwa ry'umusuma ku izina risanzwe

Ingero

Izina	Izina rishya
Umwami	Umwamikazi
Ibitaka	Ibitakazi
Inkoko	Inkokokazi

3. Gusesengura amazina akomoka ku ikomorazina mvazina

Amazina akomoka ku ikomorazina mvazina agira intego nk'iy'izina mbonera cyangwa se izina ry'urusobe bitewe n'imiremere yayo.

Ingero

Izina	Intego	Itegeko ry'igenamajwi
Agaseke	a-ka-seke	k→g /-GR
Ubukire	u-bu-kir-e	Nta tegeko.
Uducumucumu	u-tu-cum-u-cum-u	t→d /-GR
Abanyamakuru	a-ba-nya- ∅ -ma-kuru	Nta tegeko.
Nyiramana	nyira- ∅ - ∅ -mana	Nta tegeko

IKOMORAZINA MVANSHINGA

Soma interuro zikurikira nurangiza uzitegereze hanyuma ukore ubushakashatsi ku nkomoko n'intego by'amagambo yanditse atsindagiye.

- a) Abanyarwanda bazi akamaro ko gukorera ku **mihigo**.
- b) Ni byiza Kubyaza **inyungu impano** abantu bifitemo.
- c) Kubahiriza igihe ni ngombwa mu **marushanwa** no mu **bikorwa** by'ubucuruzi.
- d) **Ubukire** bukomoka ku kugira gahunda no gukora cyane.

1. Inshoza y'ikomorazina mvanshinga

Mu Kinyarwanda, izina ni ijamba abantu bifashisha mu kwita iki n'iki cyangwa ibi n'ibi mu bintu; uyu n'uyu cyangwa aba n'aba mu bantu. Ikiriho cyose kiba gifite uko kitwa kuko abantu baba baragihaye izina rikiranga. Amazina ashobora kuba ari umwimerere cyangwa akaba akomoka ku yandi moko y'amagambo, cyanecyane ku nshinga. Ayo mazina abyawe n'ikomorazina (ukubaka amazina uhereye ku yandi magambo) akenshi aba afite intêgo isanzwe yiyongereyeho umusozo. icyo gihe intêgo yaryo ikaba ari **D+RT+C+Sz**.

Bityo **ikomorazina mvanshinga** rikaba ari ihimba ry'amazina mashya ufatiye ku bicumbi (ku mizi) by'inshinga zisanzwe mu rurimi. Mu Kinyarwanda habonekamo amazina menshi akomoka ku nshinga.

Ingero

Impano, imihigo, amarushanwa, ibikorwa, ubucuruzi, ubukire, itaha, ihinga, ubukire, abakozi, umukoro, ubushobozi, akamaro, ikibariro, ababaji, abagenzi, ubuhemu, ingemu, umutoni, imboni, ...

2. Inzira z'ikomorazina mvanshinga

Inzira z'ikomorazina mvanshinga zishingira ku ikoresha ry'imisozo ikurikira: **-e, -o, -a, -u, -i na -yi**.

Dore ingero z'amazina akoreshejemo iyo misozo n'intêgo yayo:

e) Umusozo -i

Izina	Intego	Amategeko y'igenamajwi
Abasyi (gusya)	a-ba-se-i	e→y/-J
Umunnyi (kunnya)	u-mu-ne-i	e→y/-J; n+y→nny
Umuryi (kurya)	u-mu ri-i	i→y/-J
Umunywi (kunywa)	u-mu-nyo-i	o→w/-J

f) Umusozo -yi

Izina	Intego	Amategeko y'igenamajwi
Abasetsi (guseka)	a-ba-sek-yi	k+y→ts
Umukinnyi (gukina)	a-ba-kin-yi	n+y→nny
Umudozi (kudoda)	u-mu-dod-yi	d+y→z

Ikitonderwa

1. Nta kwitiranya umusozo i n'umusozo **yi**. Umusozo **-yi** ntukorana n'inshinga zifite igicumbi kigizwe n'umugemo umwe; ukorana gusa n'inshinga zifite igicumbi kigizwe n'imigemo ibiri cyangwa irenze kandi ugatera amategeko y'igenamajwi iyo ukurikiye ingombajwi zisoza igicumbi. Keretse iyo izo ngombajwi ari **m, b** na **p**. Iyo umusozo i ukoranye n'igicumbi gifite imigemo irenze umwe ntutera amategeko y'igenamajwi.

Ingero

Izina	Intego	Amategeko y'igenamajwi
Umurezi	u-mu-rer-yi	r+y→z
Umukamyi	u-mu-kam-yi	Nta tegeko
Imboni	i-n-bon-i	n→m/-b

2. Iyi misozo y'ikomorazina mvanshinga ishobora no gukorana n'inshinga zifite ingereka

Ingero

Izina	Intego	Amategeko y'igenamajwi
Urwererane	u-ru-er-ir-an-e	u→w/-J; i→e/Ze-
Umuwugizi	u-mu-vug-ir-yi	r+y→z
Ibikoreshe	i-bi-kor-ish-o	i→e/Zo-



Ibintu by'ingenzi byo kwibuka

Ikomorazina ni ihimba ry'amazina mashya ufatiye ku bicumbi (ku mizi) by'inshinga zisanzwe mu rurimi. Mu Kinyarwanda habonekamo amazina menshi akomoka ku nshinga.



Ibikorwa

Abanyeshuri barungurana ibitekerezo mu matsinda ku mikoreshereze y'utwatuzo n'isesekaza



Isuzuma mbonezanyigisho

1. Tanga ingero 5 z'amazina yakomotse ku nshinga.
2. Garagaza ingero z'inshinga 3 zakomotse ku mazina.



Umusaruro w'inyigisho 1.3: Gutarama Kinyarwanda akoresheje

ubuvanganzo gakondo bushingiye ku mwuga.



Igihe: amasaha 1



Intego z'umusaruro w'inyigisho 1.3:

Ku musozo w'uyu musaruro nyigisho abanyeshuri baraba bashobora ku:

1. Gutarama kinyarwanda akoresheje ubuvanganzo gakondo bufatiye ku mwuga.
2. Kumenya ibintu biranga igitaramo

Ibiranga igitaramo nyarwanda.

- Abataramyi
- Insanganyamatsiko
- Urubuga
- Ibyizihiza igitaramo

Utwivugo dusingiza ibikoresho by'umwuga.

Abanyeshuri barahanga tumwe mu twivugo dusingiza ibikoresho by'umwuga

Injyana y'ubuvanganzo gakondo bushingiye ku mwuga.

Injyana y'ubuvanganzo gakondo bushingiye ku mwuga iba ishingiyeye kuri ibi bintu by'ingenzi bikurikira:

- Insubirajwi
- isubirajambo



Ibintu by'ingenzi byo kwibuka

Igitaramo ni uburyo bwo gutarama bitewe n'insanganyamatsiko runaka igamije guteza, kwimakaza umuco.



Ibikorwa

Abanyeshuri barasonanura igitaramo icyo ari cyo ndetse n'uturango tw'igitaramo mu matsinda



Isuzuma mbonezanyigisho

Abanyeshuri barahanga tumwe mu twivugo dusingiza ibikoresho by'umwuga wabo.



Imbumbwe 2: Gukoresha Ikinyarwanda cy'umunyamwuga agaragaza ibyiza by'ikoranabuhanga mu iterambere ry'umwuga no gutandukanya ubwoko bw'inshinga



- 2.1. Gusoma no gusesengura neza umwandiko ku nsanganyamatsiko y'ikoranabuhanga n'iterambere ry'umwuga.
- 2.2. Gutandukanya neza inshinga mburabuzi, inshinga iri mu mbundo n'inshinga itondaguye.
- 2.3. Gukoresha neza inshinga mburabuzi mu nteruro.



Umusaruro w'inyigisho 2.1: Gusoma no gusesengura neza umwandiko ku nsanganyamatsiko y'ikoranabuhanga n'iterambere ry'umwuga.



Igihe: amasaha 1



Intego z'umusaruro w'inyigisho 2.1:

Ku musozo w'uyu musaruro nyigisho abanyeshuri baraba bashobora ku:

1. Gusoma umwandiko ku nsanganyamatsiko y'ikoranabuhanga n'iterambere ry'umwuga
2. kugaragazailnegero zifatika zihamya akamaro k'ikorabuhanga mu iterambere ry'umwuga

UMWANDIKO: IKORANABUHANAGA MU GUKEMURA IBIBAZO

Ikoranabuhanga ni ijamba ry'icyaduka iwacu mu rurimi rw'ikinyarwanda. Ikoranabuhanga rizwi ku izina mvamahanga nka "Tekinoloji" rigaragarira mu nzego nyinshi z'imirimo. Ubu buryo bugezweho mu kunoza no kwihutisha ubushakashatsi, itumanaho n'imitunganyirize y'imirimo itandukanye bwihutisha iterambere uko bwije n'uko bukeye. Abasheshe akanguhe hamwe n'abandi badutanze kubona izuba, bavugako abanyarwanda bo hambere bari bafite ubumenyi buhambaye, bazi kwirwanaho ngo babone umuriro bakoresheje urushingo n'urushingati, bazi uburyo bwo kwivura indwara zitandukanye. Bari bashoboye kubyaza imyambaro imivumu bifashishije imangu, ari byo bitaga gukoma impuzu! Si ibyo gusa, bashoraga gutumanaho bakoresheje umurishyo w'ingoma cyangwa ihembe kuko nta interineti, teregaramu, fagisi cyangwa terefone byabagaho. Umwami yashakaga guca umuntu mu gihugu ke bakavuzura urusengo bashakaga kugaragaza ko bamuciye burundu mu gihugu! Vuba aha, abazungu batandukanyije ibibiriti, imyenda ikorerwa mu nganda, itumanaho rikoreshe ibyuma bikoranye ubuhanga buhanitse, ibikoresheho n'imiti by'i Bwotamasimbi, ugira ngo hari umunyarwanda wongeye kwita ku bumenyi yari asanganywe? Ntiyongeye gutekereza kwihamurira umuti w'ishyamba cyangwa ngo yirwaneho mu bindi byavuzwe mbere. Ashwi da! Ibya Kazungu byadukomye mu nkokora duta urwo twari twambaye, twisanisha n'abanyamahanga. Cyakora ntawahugira mu bya kera, ibyiza ni ukujyana n'ibigezweho bigaragara ko bifitiye igihugu akamaro, bigafasha umunyagihugu gutera intambwe yivana mu bukene. Mu kinyejana tugezemo ndetse n'ikizaza, usanga ikoranabuhanga ari ingenzi cyane cyane mu mashuri, haba ku banyeshuri, ku barimu, ku bayobozi b'ibigo by'amashuri, ku babyeyi no ku bafatanyabikorwa banyuranye

Haba za mudasobwa, haba za radiyo na tereviziyo, haba ibinyamakuru n'ibindi bitangazamakuru, biruzuzanya mu gufasha abantu b'ingeri zose mu kunoza umurimo, mu gusakaza amakuru anyuranye yerekeye ubukungu, politiki, n'ibindi.

Abarimu bararurashe wa mugani w'Abanyarwanda. Kuri bo, ikoranabuhanga ritumababasha gukora ubushakashatsi bwimbitse ku bijyanye n'amasomo agomba kwigishwa, rinabafaasha kandi guhanahana amakuru hagati yabo. Abarimu kandi baryifashisha bagira ngo bamenye ibigezweho. Ikoranabuhanga rinabafasha kwigisha abanyeshuri benshi mu buryo buboroheye mu gihe gito kandi batari. Ibyo bishoboka nko mu gihe boherereza amasomo cyangwa ibizamini abanyeshuri hakoreshejwe murandasi. Ntibikiri ngombwa cyane ko umunyeshuri yiga amasomo yose imbonankubone na mwarimu umwigisha. Ku banyeshuri, ikoranabuhanga ribafasha gukora ubushakashatsi bwimbitse ku nsanganyamatsiko zitandukanye. Ibyo bibafasha guteza imbere imyigire yabo. Ikoranabuhanga kandi ribafasha gukoresha igihe cyabo neza, nko mu gihe barikoresheje bashakisha kuri murandasi ibisubizo by'imikoro bahawe.

Ngo nta byera ngo de! Hari abanyeshuri bashobora gukoresha nabi ikoranabuhanga igihe bararurwa no kwirebera ibiterasoni n'imico y'ahandi yangiza ubuzima bakoresheje murandasi. Ikoranabuhanga ni ryiza ariko rigomba kwitonderwa cyane kuko hasigaye haboneka n'abajura baryifashisha bashaka kuriganya utw'abandi. Abarikoresha nabi rero baranye bari munge!

Tugarutse ku byiza by'ikoranabuhanga, kugeza ubu nta munyeshuri ugisiragira agana ku kigo gishinzwe guteza imbere uburezi mu Rwanda (REB) ngo agiye kubaza amanota ye yasohotse mu bizamini yakoze cyangwa kureba ikigo k'ishuri yimuriweho; iki kibazo k'isiragira cyarakemutse. Biroroshye kwifashisha urubuga na za terefone ugakurikiza amabwiriza yatazwe n'ikigo kibishinzwe, ukabona igisubizo aho waba wibereye hose.

Mu burezi muri iki gihe, ikoranabuhanga ni ingirakamaro cyane. Baryifashisha mu gutanga uburezi bufite ireme, mu gukoresha neza igihe. Urugero nko gukora indamanota nta kwibeshya, ndatse byanabaho gukosora bikoroha. Ikoranabuhanga kandi ribafasha gukora byinshi icyarimwe no kudasesagura. Urugero ni nk'amakuru yakagombye kuba ari umutungo, asigaye abikwa muri za mudasobwa ndetse n'ibyandikwa byinshi abarimu bakabitunga muri ubwo buryo.

Ku babyeyi, ikoranabuhanga ni ingirakamaro cyane, rituma bakurikirana uburere bw'abana babo ku mashuri bakoresheje terefone nk'igihe bashaka kumenya imibereho n'imyitwarire yabo. Aho gukora urugendo cyangwa bohereza ubutumwa bwanditse n'intoki badafite ikizere ko bugera ku bayobozi b'ishuri bwagenewe, bakoresha murandasi cyangwa terefone amakuru bashaka akabonekera igihe. Ababyeyi kandi ikoranabuhanga ribafasha kwishyura amafaranga y'ishuri. Umubyeyi yikoza kuri banki, mukanya nk'ako guhumbya amafaranga akaba yageze kuri konti y' kigo umwana yigaho cyangwa akishyura akoresheje terefone. Ibi bibaho no muri za kaminuza zitandukanye.








Muri make ikoranabuhanga ni ingenzi cyane mu mashuri kuko rizamura ireme ry'uburezi, kandi rikanafasha mu kubahiriza igihe no gucunga umutungo. Ishuri rikoresheje ikoranabuhanga ntirishobora gutera imbere. Iyo rikoreshejwe neza rifasha kwihutisha iterambere aho guhera mu bya kera.

✓ **Ibibazo byo kumva umwandiko**

1. Ikoranabuhanga ni iki?
2. Sobanura uburyo ikoranabuhanga ari ingirakamaro mu burezi.
3. Tanga impamvu ikoranabuhanga rishobora kwihutisha iterambere.
4. Ni izihe ngaruka z'ikoranabuhanga rikoreshejwe nabi?

5. Tanga inama ku bantu bakoresha nabi ikoranabuhanga.
6. Ukoresheje impushya ebyiri, garagaza ibibi n'ibyiza by'ikoranabuhanga.

Ingero zihamya uruhare rw'ikoranabuhanga mu iterambere ry'umwuga

-  Ikoranabuhanga rifasha kuzamura ireme ry'uburezi mu mashuri
-  Ikoranabuhanga rikanafasha mu kubahiriza igihe no gucunga umutungo
-  Ikoranabuhanga rifasha mu mwuga w'uburezi
-  Ikoranabuhanga rifasha mu mwuga w'ubuvuzi
-  Ikoranabuhanga rifasha mu nganda
-  Ikoranabuhanga rifasha mu bikorwa remezo...
-  Ikoranabuhanga rifasha mu buhinzi...



Ibintu by'ingenzi byo kwibuka

Ikoranabuhanga ari igiteranyo cya tekiniiki, ubuhanga, uburyo n'inzira zikoreshwa mu masarura y'ibicuruzwa cyangwa serivisi mu kugera ku ntego nk'ipereza ry'ubumenyi.



Ibikorwa

Abanyeshuri barungurana ibitekerezo k'umwandiko ku nsanganyamatsiko y'ikoranabuhanga n'iterambere ry'umwuga mu matsinda



Isuzuma mbonezanyigisho

1. Ikoranabuhanga ni iki?
2. Ni akahe kamaro k'ikoranabuhanga mu iterambere ry'umwuga.



Umusaruro w'inyigisho 2.2: Gutandukanya neza inshinga mburabuzi, inshinga iri mu mbundo n'inshinga itondaguye



Igihe: amasaha 1



Intego z'umusaruro w'inyigisho 2.2:

Ku musozo w'uyu musaruro nyigisho abanyeshuri baraba bashobora ku:

1. Gusoma umwandiko hubahirizwa utwatuzo n'isesekaza
2. Gusoma mu matsinda bashaka ibisubizo by'ibibazo byo kumva umwandiko

Inshoza y'inshinga

Inshinga ni ijamba ryumvikanisha igikorwa, imico cyangwa imimerere ya ruhamwa mu nteruro. Muri make, inshinga ni yo itanga ubutumwa mu nteruro, igaragaramo igikorwa cya ruhamwa.

2) Amoko y'inshinga

Mu moko y'inshinga hagaragaramo inshinga isanzwe n'inshinga idasanzwe. Inshinga isanzwe ishobora kuba iri mu mbundo cyangwa itondaguye. Ni ukuvuga ko inshinga ishobora kwigaragaza mu nteruro ari:

- Inshinga iri mu mbundo
- Inshinga itondaguye
- Inshinga mburabuzi

Inshinga iri mu mbundo

Inshinga idatondaguye yitwa imbundo. Ni inshinga itagaragaza ngenga irimo. Imbundo ni ijamba ry'imberabyombi rifite imiterere nk'iy'izina n'iy'inshinga. Iyo imbundo ifashe imiterere y'izina ibarirwa mu nteko ya 15. Urugero: kugenda (Ukugenda) kwe kwatangaje benshi.

Inshinga itondaguye

Ni inshinga igaragaza ngenga yayo, ruhamwa ndetse n'igihe itondaguwemo. Urugero: Nzakora

Ikitonderwa: Hari bamwe na bamwe bashyira "Ingirwanshinga **-ti, -tya, -tyo**, na **-te**" mu moko y'inshinga zidasanzwe bitwaje ko na zo zijya muri ngenga uko ari eshatu, nyamara ingirwanshinga ni ubwoko bw'ijamba bwihariye kuko usibye kuba zigaragaza ngenga nta rindi huriho zifitanye n'inshinga kuko zitagaragaza igikorwa cyangwa imico n'imimerere ya ruhamwa.

Ibihe bikuru by'inshinga

- **Indagihe:** Kalisa **atuye** i Kigali. (ng.3 ub.)
- **Inzagihe:** Kalisa **azatura** i Kigali. (ng.3ub.)
- **Impitagihe:** Kalisa **yatuye** i Kigali. (ng.3ub)



Iby'ingenzi byo kwibuka

Inshinga mburabuzi ni inshinga zidakora nk'izisanzwe kandi ntizitondagurwa mu bihe byose kandi zubakiye ku bicumbi bidakorana n'imisozo y'inshinga.

Inshinga iri mu mbundo ni inshinga idatondaguye. Inshinga itondaguye ni inshinga ihinduranya ibihe bikuru by'inshinga n'umusozo kandi igicumbi cyayo ntigitakare/ghindure ishusho.



Ibikorwa

Abanyeshuri barasobanura inshinga mburabuzi icyo ari cyo banakoreshe inshinga mburabuzi mu nteruro.



Isuzuma mbonezanyigisho

1. Nimutahure inshinga mburabuzi, inshinga iri mu mbundo n'inshinga itondaguye mu nteruro zikurikira:
 - Kalisa afite inzu nziza.
 - Amasunzu si amasaka.
 - Kurya no kuryama ni ingenzi
 - Mariya aramesa imyenda ye yaraniza akayanika.



Umusaruro w'inyigisho 2.3 : Gukoresha neza inshinga mburabuzi
mu nteruro



Igihe: amasaha 1



Intego z'umusaruro w'inyigisho 2.2:

Ku musozo w'uyu musaruro nyigisho abanyeshuri baraba bashobora ku:

1. Gusoma umwandiko hubahirizwa utwatuzo n'isesekaza
2. Gusoma mu matsinda bashaka ibisubizo by'ibibazo byo kumva umwandiko

Inshinga mburabuzi

Ni inshinga idasanzwe bita na none nkene cyangwa mburabuzi ni inshinga zidakoreshe nk'inshinga zisanzwe kuko usanga hari ibihe bimwe na bimwe by'inshinga zidatondagurwamo. Ikindi kiziranga ni uko usanga nta zina rishobora gukomoka kuri bene izo nshinga. Ni inshinga zigizwe n'ibicumbi gusa (-ni, -ri, -fite, -ruzi, -zi); ntizifite imbundo zizwi ni yo mpamvu ku mikoreshereze y'imisozo yayo, usanga izo nshinga zidakorana n'imisozo -e, -aga, -ye na a mu buryo busanzwe. Cyakora iyo zikoreshejweho ingereka zishobora gusesengurwamo imisozo.

Ingero ku mikoreshereze y'inshinga mburabuzi mu nteruro:

Mu ndango yemeza

- Kalisa **azi** gusoma.
- Umwana **ni** umutware.

Mu ndango ihakana

- Kalisa **ntazi** gusoma.
- Umwana **si** umutware



Iby'ingenzi byo kwibuka

Inshinga mburabuzi ari Ni inshinga zidakora nk'izisanzwe. Bazita kandi inshinga mburabuzi. Ntizitondagurwa mu bihe byose kandi zubakiye ku bicumbi bidakorana n'imisozo y'inshinga. Iyo zihinduriwe ibihe bikuru by'inshinga, ishusho yazo irahinduka. Ibicumbi by'inshinga nkene ni ibi bikurikira: -ri, -zi, -fite, -ruzi. Hari n'inshinga nkene "ni" igira impinduranyo yayo "si".



Ibikorwa

Abanyeshuri barasobanura inshinga mburabuzi icyo ari cyo banakoreshe inshinga mburabuzi mu nteruro.



Isuzuma mbonezanyigisho

1. Inshinga mburabuzi ni iki?
2. Nimutahure inshinga mburabuzi mu nteruro zikurikira:
 - Kalisa afite inzu nziza.
 - Amasunzu si amasaka.



Imbumbwe ya 3: Gukoresha Ikinyarwanda cy'umunyamwuga uwiga agaragaza ububi bw'ibiyobyabwenge mu rubyiruko no kugaragaza mu izina mbonera amategeko y'igenamajwi agendanye n'ingombajwi ziburizwamo n'izihinduka izindi.



- 3.1. Gusoma no gusesengura neza umwandiko ku nsanganyamatsiko y'ububi bw'ibiyobyabwenge mu rubyiruko.
- 3.2. Kugaragaza mu izina mbonera amategeko y'igenamajwi agendanye n'ingombajwi ziburizwamo.
- 3.3. Kugaragaza mu izina mbonera amategeko y'igenamajwi agendanye n'ingombajwi zihinduka izindi.



Umusaruro w'inyigisho 3.1. Gusoma no gusesengura neza umwandiko ku nsanganyamatsiko y'ububi bw'ibiyobyabwenge mu rubyiruko.



Igihe: amasaha 1



Intego z'umusaruro w'inyigisho 3.2:

Ku musozo w'uyu musaruro nyigisho abanyeshuri baraba bashobora ku:

1. Gusobanukirwa ibiyobyabwenge icyo ari cyo
2. Gutandukanya amoko anyuranye y'ibiyobyabwenge

Gusoma umwandiko ku nsanganyamatsiko y'ububi bw'ibiyobyabwenge mu rubyiruko;

Ibiyobyabwenge ni iki?

Ibiyobyabwenge ni ikintu cyose kinjiye mu mubiri w'umuntu, gishobora guhindura ubushobozi bwe bwo gutekereza, gufata ibyemezo, ndetse kikanahindura imikorere y'umubiri.

Amoko y'ibiyobyabwenge

Ibiyobyabwenge birimo amoko atandukanye. Bimwe muri byo twavugaga nk'urumogi, Mugo, Kanyanga, Mayirungi, Kokayine, muriture, bareteta, igikwangari...

Ingero z'ingaruka mbi z'ibiyobyabwenge mu rubyiruko:

- Gucikiriza amashuri
- Kwishora mu ngeso mbi
- Kuba umutwari ku muryango no ku gihugu
- Kwiyahura
- Kwandura indwara zinyuranye...



Iby'ingenzi byo kwibuka

Ibiyobyabwenge ari inzoga, itabi n'ibindi bintu abantu banywa bigahindura ubwonko (imitekerereze n'imyitwarire).



Ibikorwa

Abanyeshuri barasobanura inshinga mburabuzi icyo ari cyo banakoreshe inshinga mburabuzi mu nteruro.



Isuzuma mbonezanyigisho

1. Ibiyobyabwenge ni iki?
2. Vuga ingaruka 3 z'ingaruka mbi z'ibiyobyabwenge mu rubyiruko



Umusaruro w'inyigisho 3.3: Kugaragaza mu izina mbonera amategeko y'igenamajwi agendanye n'ingombajwi zihinduka izindi.



Igihe: amasaha 1





Iby'ingenzi byo kwi

1. Intego y'izina mbonera gakondo

Intego y'izina mbonera gakondo ni: $D+RT+C$

a) Indomo

Ni akaremajambo kagizwe n'inyajwi iterura (ibanziriza) izina. Ni ko karemajambo kabanziriza utundi turemajambo twose tugize izina. Mu Kinyarwanda inyajwi zishobora kuba indomo ni eshatu: i, u, a.

Ingero

ikivuguto

amasaka

umuvure

b) Indanganteko: RT

Indanganteko ni akaremajambo kerekana inteko izina ririmo. Ako karemajambo ni ko kagenya isanisha n'andi magambo agize interuro. Urugero: **Amatara** **manini** **araka**.

Indanganteko zihinduka bitewe n'inteko izina ririmo.

Ingero

Amatara(nt.6),

ibitara(nt.8)

c) Igicumbi (C)

Ni igice k'izina kidahinduka kibumbatiye inyito y'ibanze y'izina. Izina mbonera gakondo rishobora kutagira indomo, rishobora kutagira indanganteko ariko ntirishobora kubura igicumbi. Bityo mu kurisesengura akaremajambo kabura gahagararirwa n'iki kimenyetso \emptyset .

Ingero

Izina	D	RT	C
Mushiki	Ø	Mu	shiki
Ibere	I	Ø	bere
Data	Ø	Ø	Data

Amategeko y'igenamajwi akoreshwa mu izina mbonera gakondo

Amategeko y'igenamajwi yandikwa mu mpine.

Ingero:

Umwana: u-mu-ana ($u \rightarrow w/-J$)

Inzoga: i-n-yoga ($y \rightarrow z/n-$)

Indabo: i-n-rabo ($r \rightarrow d/n-$)

Imbeba: i-n-beba ($n \rightarrow m/-b$)

Imfura: i-n-pfura ($p \rightarrow \emptyset /n-f$) $n \rightarrow m/-f$

Imyeyo: i-mi-eyo ($i \rightarrow y/-J$)

Amanyoy: a-ma-inyo ($a+i \rightarrow e$)

Abana: a-ba-ana ($a \rightarrow \emptyset /-J$)

Inyoni: i-n-nyoni ($n \rightarrow \emptyset /-ny$)

imana: i-n-mana ($n \rightarrow \emptyset /-m$)

Inuma: i-n-numa ($n \rightarrow \emptyset /-n$)

Igicuma: i-ki-cuma ($k \rightarrow g/-GR$)

Uduca: u-tu-ca ($t \rightarrow d/-GR$)

Insina: i-n-tsina $t \rightarrow \emptyset/n-s$

Inzira: i-n-yira $y \rightarrow z/n$

Indembe: i-n-rembe $r \rightarrow d/n$

Imvano: i-n-vano $n \rightarrow m/-v$

Imbeba: i-n-beba $n \rightarrow m/-b$

Impigi: i-n-higi $n \rightarrow m/-h$

Impapuro: $n \rightarrow m/-p$ $n \rightarrow m/-f$

Inyegamo: i-n-egamo $n \rightarrow ny/-J$

Inzugi: i-n-ugi Ibicumbi bifata “z” mu nteko ya 10



Iby'ingenzi byo kwibuka

Izina mbonera ni izina rigizwe n'uturemajambo dutatu, ari two indomo(D), indanganteko(RT) n'igicumbi(C).



Ibikorwa

Abanyeshuri baragaragaza amategeko y'igenamajwi mu izina mbonera mu matsinda.



Isuzuma mbonezanyigisho

1. Amazina bayita “mbonera” ryari? Tanga ingero.
2. Garagaza intego z'amagambo akurikira:
 - a) Indoro
 - b) Ibyondo
 - c) Inshenga
 - d) icyondo



Imbumbwe 4: Gukoresha Ikinyarwanda cy’umunyamwuga uwiga agaragaza uburyo bunyuranye bwo gufata neza ibidukikije, gukoresha indangahantu n’icyungo



- 4.1. Gusoma no gusesengura neza umwandiko ku nsanganyamatsiko yo gufata neza ibidukikije.
- 4.2. Kugaragaza neza indangahantu mu nteruro zitandukanye.
- 4.3. Gukoresha neza icyungo “ na ” mu nteruro ziboneye uwiga yihimbiye.



Umusaruro w'inyigish 4.1. Gusoma no gusesengura neza umwandiko ku nsanganyamatsiko yo gufata neza ibidukikije.



Igihe: amasaha 1



Intego z'umusaruro w'inyigisho 1.1:

Ku musozo w'uyu musaruro nyigisho abanyeshuri baraba bashobora ku:

Gusobanura ibidukikije icyo ari cyo

Kugaragaza uburyo bunyuranye bwo gufata neza ibidukikije

Gusoma umwandiko ku nsanganyamatsiko yerekeye gufata neza ibidukikije;










Ibidukikije ni iki?

Ibidukikije ni abantu, ibintu, inyamaswa, amashyamba, ibiyaga, imisozi, ibibaya, ibiyaga, inzuzi, imigezi...bikikije abantu n'isi muri rusange.

Ingero z'ibikorwa by'abanyamwuga bishobora kwangiza ibidukikije:

1. Ibikorwa bishingiye ku mwuga w'ubukanishi:
 - Kumena vidange mu migezi
 - Gutwika amapine ashaje
2. Ibikorwa bishingiye ku mwuga w'ububaji
 - Gutema ibiti bidakuze
 - Ivumbi riva mu ibarizo
3. Ibikorwa bikomoka ku mwuga w'ubworozi:
 - Kuragira amatungo ku gasozi
 - Gutwika imisozi bashaka ubwatsi butoshye

Uburyo bunyuranye bwo gufata neza ibidukikije

-  Gufata neza ubutaka duca amaterasi y'indinganire
-  Gutera amashyamba no kuyabungabunga
-  Kubungabunga ibishanga, imigezi, inzuzi, inyanja...
-  Kwirinda guhumanya ikirere
-  Gukoresha inyongeramusaruro
-  Kuhira imyaka mu gihe k'izuba
-  Kwirinda gutwika amashyamba
-  Kurwanya imyuka ihumanya ikirere
-  Gutera ibiti bivangwa n'imyaka...



Iby'ingenzi byo kwibuka

Ibidukikije ari abantu, ibintu, inyamaswa, amashyamba, ibiyaga, imisozi, ibibaya, ibiyaga, inzuzi, imigezi... bikikije abantu n'isi muri rusange. Akaba ari ngombwa kubungabunga kuko bifitiye abantu n'isi umumaro ntagereranywa.



Ibikorwa

Abanyeshuri baragaragaza ibitekerezo ku nsanganyamatsiko y'ibidukikije mu matsinda



Isuzuma mbonezanyigisho

1. Iyo babuze ibidukikije wumva iki
2. Tanga uburyo butanu bwo kubungabunga ibidukikije.



Umusaruro w'inyigisho 4.2: Kugaragaza neza indangahantu mu nteruro zitandukanye.

Insanganyamatsiko y'umwandiko ushingiyeye ku bidukikije



Igihe: amasaha 2



Intego z'umusaruro w'inyigisho 4.2:

Ku musozo w'uyu musaruro nyigisho abanyeshuri baraba bashobora ku:

Gusobanura indangahantu icyo ari cyo

Gutahura no gukoresha indangahantu

Inshoza y'Indangahantu

Indangahantu ni ijambo ribanziriza irindi, rivuga aho umuntu aherereye cyangwa ikintu giherereye cyangwa ahabera ikintu iki n'iki. Indangahantu irema urujyano rw'amagambo abera inshinga ruhamwa cyangwa icyuzuzo nziguro.

Indangahantu ni eshatu mu Kinyarwanda

“Ku” mu nteko ya 17

“Mu” mu nteko ya 18

“ ” mu nteko ya 19

Ikitonderwa: iyo indangahantu “ku” na “mu” zikurikiwe n'izina ridafite indomo cyangwa ibinyazina bimwe na bimwe, zigira impindurantego “kuri” na “muri.”

Urugero: Ngiye i Kigali ariko ningera kuri sitade y' i Remera ndabanza kujya muri resitora maze mpite nkomeza ngana mu isoko ku muhanda.



Iby'ingenzi byo kwibuka

Indangahantu ari ijamba ribanziriza irindi, rivuga aho umuntu cyangwa ikintu biherereye cyangwa ahabera ikintu iki n'iki. Indangahantu ni eshatu mu Kinyarwanda: **ku** mu nteko ya 17, **mu** mu nteko ya 18 na **I** mu nteko ya 19.



Ibikorwa mvugo by'imyigire

Kugaragaza aho bakoresha indangahantu mu nteruro mu matsinda.



Isuzuma mbonezanyigisho

1. Indangahantu ni iki?
2. Garagaza indangahantu mu nteruro zikurikira:
 - a) U Rwanda n'u Burundi ni ibihugu bihana imbibe.
 - b) Kuri Nyirangarama ni mu Karere ka Rulindo.



Umusaruro w'inyigisho 4.3: Gukoresha neza icyungo “na” mu nteruro ziboneye uwiga yihimbiye yihimbiye.

Imikoresherezey'incyungo “na” mu nteruro:

1. Icyungo “na” kirakatwa kigahinduka “n” imbere y'ijambo ritangiwe n'inyajwi.

Ingero:

- Inka **n'**ihene ni amatungo yo mu rugo.
- Amakaye **n'**amakaramu ni ingenzi mu myigire.

2. Icyungo “na” gihinduka “no” imbere y'inshinga iri mu mbundo.

Ingero: Kurya **no** kuryama ni ingenzi mu buzima.

Iby'ingenzi byo kwibuka



Icyungo ni ijambo cyangwa urujyano rw'amagambo bidashobora gusesengurwa bihuza amagambo abiri cyangwa inyangingo ebyeri.



Ibikorwa

Kugaragaza aho bakoresha indangahantu mu nteruro mu matsinda.



Isuzuma mbonezanyigisho

1. Icyungo ni iki?
2. Garagaza ibyungo byakoreshejwe mu nteruro zikurikira:
 - U Rwanda n'u Burundi ni ibihugu bihana imbibe.
 - Kuririmba no gusenga ni byiza kimwe no gufasha abababaye.



Imbumbe 5. Gukoresha Ikinyarwanda cy'umunyamwuga uwiga agaragaza akamaro k'ubutabazi bw'ibanze no gukoresha impakanyu n'indango z'inshinga



- 5.1. Gusoma no gusesengura neza umwandiko ku nsanganyamatsiko uwiga agaragaza akamaro k'ubutabazi bw'ibanze
- 5.2. Kugaragaza neza impakanyu mu nteruro zitandukanye.
- 5.3. Gukoresha neza indango z'inshinga mu nteruro.



Umusaruro w'inyigisho 5.1. Gusoma no gusesengura neza umwandiko ku nsanganyama-tsiko uwiga agaragaza akamaro k'ubutabazi bw'ibanze

Ikinamico ku nsanganyamatsiko yerekeye k'ubutabazi bw'ibanze



Igihe: amasaha 1



Intego z'umusaruro w'inyigisho 5.1:

Ku musozo w'uyu musaruro nyigisho abanyeshuri baraba bashobora ku:

1. Gusobanura ubutabazi bw'ibanze icyo ari cyo
2. Kugaragaza zimwe mu ngero z'ibikorwa by'ubutabazi bw'ibanze

Ikinamico ku nsanganyamatsiko yerekeye k'ubutabazi bw'ibanze (gutoranya ikinamico)
Inshoza y'ubutabazi bw'ibanze

Ubutabazi bw'ibanze ni ubufasha buhabwa umuntu wakomeretse/ wacomerekejwe na mugenzi we cyangwa inyamaswa cyangwa agakomereswa n'impanuka.

Gusoma no gusesengura umwandiko ku nsanganyamatsiko ku kamaro k'ubutabazi bw'ibanze (kuwushaka)

Ingero z'ibikorwa by'ubutabazi bw'ibanze:

- Gupfuka ibisebe
- Gupfubya ubushye
- Gufasha uwavunitse
- Kongerera umwuka uwukeneye
- Gupfubya ubushye



Iby'ingenzi byo kwibuka

Ubutabazi bw'ibanze ari ukwita/gufasha umuntu runaka wagize ikibazo k'impanuka, cyubuhunzi, Ibiza...



Ibikorwa

Abanyeshuri mu matsinda yabo baraganira ku ikinamico ku nsanganyamatsiko yerekeye k'ubutabazi bw'ibanze



Isuzuma mbonezanyigisho

1. Iyo bavuze ubutabazi bw'ibanze wumva iki?
2. Garagaza bimwe mu bikorwa bine by'ubutabazi bw'ibanzewakorera umuntu wakoze impanuka.



Umusaruro w'inyigisho 5.2: Kugaragaza neza impakanyu mu nteruro zitandukanye.



Igihe: amasaha 1



Intego z'umusaruro w'inyigisho 1.2:

Ku musozo w'uyu musaruro nyigisho abanyeshuri baraba bashobora ku:

1. Gusoma ikinamico yubahiriza uturango twayo
2. Gusobanukirwa ubutumwa bukubiye mu byasomwe

Imikoreshereze y'impakanyu mu nteruro:

- **impakanyu “si ”**

Urugero: amasunzu **si** amasaka.

- **impakanyu “nti ”**

Urugero: **Ntibavuga** ngo umwami araryama bavuga ko aberama.

- **impakanyu “ta”**

Urugero : yagiye mu kazi **atariye**.

- **impakanyu “ i ”**

Urugero :



Iby'ingenzi byo kwibuka

Impakanyu ni inshinga iba ihakana igikorwa.



Ibikorwa

Abanyeshuri mu matsinda yabo barungurana ibitekerezo ku bwoko bw'mpakanyu.



Isuzuma mbonezanyigisho

1. Shyira interuro zikurikira mu ndango ikwiye
 - Tomasi agenda nk'abagesera.
 - Intare ni umwami w'ishyamba.



Umusaruro w'inyigisho 5.3: Gukoresha neza indango z'inshinga mu nteruro.

Mu Kinyarwanda habaho indango ebyiri z'inshinga arizo:

1. Indango yemeza

Urugero: -Kalisa akunda gusoma ibitabo.

-Barahinga umurima wabo.

2. Indango ihakana

-Kalisa ntakunda gusoma ibitabo.

-Ntibahina umurima wabo.



Iby'ingenzi byo kwibuka

Indango ari uburyo inshinga igaragaramo yemeza cyangwa ihakana.



Ibikorwa

Abanyeshuri mu matsinda yabo baraganira ku moko y'indango



Isuzuma mbonezanyigisho

Shyira interuro zikurikira mu ndango ikwiye:

- Dukunda gukina umupira.
- Ntimuzarandure kiriya giti.

Ibitabo n'inyandiko byifashishijwe:

BOARD, R. E. (2015). *Integanyanyigisho y'Ikinyarwanda mu mashami kikigishwa nk'isomo rusange*. Kigali: RWANDA EDUCATION BOARD.

BOARD, R. E. (2015). *Teacher Training Manual I*. Kigali: MINISTRY OF EDUCATION.

BOARD, R. E. (2019). *Amashami yiga Ikinyarwanda nk'isomo rusange*. Kigali: RWANDA EDUCATION BOARD.

Curriculum. (n.d.). REQF Level 4 (1014). In W. d. Authority, *Ikinyarwanda cy'umunyamwuga*. Kigali.

Editions, B. (2010). *Ikinyarwanda Ikibonezamvugo cy'amashuri abanza n'ayisumbuye*. kigali.

EDUCATION, M. O. (2015). *Teacher Training Manual II*. Kigali: RWANDA EDUCATION.